

ORIGINAL

Apelacioni sud Brčko distrikta Bosne i Hercegovine u vijeću sastavljenom od sudija Josipe Lucić kao predsjednika vijeća, Ilje Klaić, Srđana Nedić, Dragane Tešić i Maide Kovačević, kao članova vijeća, na sjednici vijeća održanoj dana 26.07.2011. godine, donio je slijedeće

R J E Š E N J E

Inicijativa ZZ B. Brčko za pokretanje postupka ocjene zakonitosti i statutarnosti odredbi članova 13., 14., 15., 16., 17., 18., 25. stav (3) i člana 39. stav (1) Pravilnika o odbitku poreza na dohodak Brčko distrikta Bosne i Hercegovine (PP DOH 2) („Službeni glasnik Brčko distrikta BiH“ broj 23/03) SE ODBACUJE.

O b r a z l o ž e n j e

ZZ B. Brčko podnijela je Apelacionom sudu Brčko distrikta Bosne i Hercegovine (u daljem tekstu: Sud) inicijativu za pokretanje postupka ocjene usklađenosti odredbe članova 13., 14., 15., 16., 17., 18., 25. stav (3) i člana 39. stav (1) Pravilnika o odbitku poreza na dohodak Brčko distrikta Bosne i Hercegovine (PP DOH 2) sa Zakonom o porezu na dohodak Brčko distrikta Bosne i Hercegovine („Službeni glasnik Brčko distrikta BiH“ broj 12/03 i 13/03) i sa Statutom Brčko distrikta Bosne i Hercegovine („Službeni glasnik Brčko distrikta BiH“, broj 2/10-u daljem tekstu: Statut).

Sud je dopisom 097-0-0US-10-000003 od 24.05.2011. godine u skladu sa članom 15. stav 1. Zakona o postupku ocjene usklađenosti pravnih akata Brčko distrikta Bosne i Hercegovine („Službeni glasnik Brčko distrikta BiH“, broj 20/10) i članom 8. stav 1. i 2. Poslovnika o radu Apelacionog suda Brčko distrikta Bosne i Hercegovine u postupcima ocjene usklađenosti pravnih akata Brčko distrikta Bosne i Hercegovine i rješavanje sukoba nadležnosti („Službeni glasnik Brčko distrikta BiH“, broj 45/10-u daljem tekstu

Poslovnika) zatražio dostavljanje odgovora Gradonačelnika Brčko distrikta Bosne i Hercegovine u vezi predmetne inicijative.

Dana 28.06.2011. godine Dogradonačelnik Brčko distrikta Bosne i Hercegovine (jer je donosilac osporenog akta Gradonačelnik Brčko distrikta BiH) svojim aktom broj 01.3-0208KM-02/11 od 24.06.2011. godine je dostavio odgovor u kojem se navodi da osporene odredbe Pravilnika o odbitku poreza na dohodak Brčko distrikta Bosne i Hercegovine (PP DOH 2) nisu u suprotnosti sa odredbama Zakona o porezu na dohodak Brčko distrikta Bosne i Hercegovine i Statuta.

Sud je utvrdio da je od momenta podnošenja predmetne inicijative za ocjenu statutarnosti i zakonitosti Pravilnika o odbitku poreza na dohodak Brčko distrikta Bosne i Hercegovine (PP DOH 2) prestao da važi Zakon o porezu na dohodak Brčko distrikta Bosne i Hercegovine („Službeni glasnik Brčko distrikta BiH“ broj 12/03 i 13/03), i to početkom primjene Zakona o porezu na dohodak Brčko distrikta Bosne i Hercegovine („Službeni glasnik Brčko distrikta BiH“ broj 60/10), a na osnovu člana 50. tog Zakona (koji se primjenjuje od 01.01.2011. godine).

Članom 45. stav 1. Zakona o porezu na dohodak Brčko distrikta Bosne i Hercegovine („Službeni glasnik Brčko distrikta BiH“ broj 60/10) je propisano da je direktor dužan u roku od 60 dana od dana stupanja na snagu tog Zakona donijeti pravilnik, a stavom dva je propisano da će se pravilnik objaviti u službenom glasniku.

Dana 16.03.2011. godine direktor Direkcije za financije Brčko distrikta Bosne i Hercegovine donio je Pravilnik o primjeni Zakona o porezu na dohodak, a članom 73. tog Pravilnika propisano je da Pravilnik stupa na snagu danom donošenja i da će biti objavljen u Službenom glasniku Brčko distrikta Bosne i Hercegovine (objavljen dana 25.04.2011. godine u „Službenom glasniku Brčko distrikta BiH“ broj 6/11). Također je članom 72. navedenog Pravilnika propisano da stupanjem na snagu (16.03.2011. godine) ovog Pravilnika stavlja se van snage Pravilnik o odbitku poreza na dohodak Brčko distrikta Bosne i Hercegovine (PP DOH 2) („Službeni glasnik Brčko distrikta BiH“ broj 23/03).

S obzirom da je prestao da važi zakon koji je bio pravni osnov za donošenje osporenog Pravilnika, kao i da je prestao da važi sam osporeni Pravilnik, sud je utvrdio da su prestale da postoje procesne

predpostavke za razmatranje inicijative i eventualno pokretanje postupka ocjene statutarnosti i zakonitosti Pravilnika o odbitku poreza na dohodak Brčko distrikta Bosne i Hercegovine (PP DOH 2) („Službeni glasnik Brčko distrikta BiH“ broj 23/03).

Na osnovu prethodno navedenog Sud je odlučio kao u izreci ovog rješenja u skladu sa članom 18. stav 1. tačka d. Zakona o postupku ocjene usklađenosti pravnih akata Brčko distrikta Bosne i Hercegovine.

APELACIONI SUD BRČKO DISTRIKTA BOSNE I HERCEGOVINE
Broj: 097-0-OUS-10-000003
Brčko, 26.07.2011. godine

ČLANOVI VIJEĆA:

PREDSJEDNIK VIJEĆA,

1. _____
Iljo Klaić

Josipa Lucić

2. _____
Srđan Nedić

3. _____
Dragana Tešić

4. _____
Maida Kovačević